



UNIVERSITÄTS-
BIBLIOTHEK
PADERBORN

Universitätsbibliothek Paderborn

Libellvs De Principalitate Romanæ Ecclesiæ

Roth von Schreckenstein, Hieronymus

Ingolstadii, 1550

VD16 R 3252

Ecclesiam esse unicam Archam in qua Noe seruatus est.

urn:nbn:de:hbz:466:1-30126

DE PRINCIPALITATE

mine. Est enim mater altarum omnium Ecclesiarum, quæ iocundabitur, cū filijs suis, eosq; de lateribus terræ educet.

ECCLESIAM CHRISTI FIDELIUM, Tunicam inconsutilem esse, & ob id uarijs sectis nequaquam scindendam.

Iam uero animaduertendum quam scitè & eleganter Ecclesia Christiana tunicæ inconsutili comparetur xxiiij. q. i. c. quoniam, ubi Beatus Hieronymus Ecclesiam indiscissam Domini tunicam uocat, ut enim tunica inconsutilis undiq; cohæret, sic membra Ecclesiæ undiq; per Christum compacta esse debent, unico uinculo. Non is Lutero, alter Zuinglio, Tertius Anabaptistis nomen det, sed omnes unicam Catholicam Ecclesiam profiteantur, quæ quemadmodum tunica inconsutilis indiscissa manet & manebit in æternum, etiam si Hæretici eam tot monstis toties scindere conati sint.

*Ecclesiam esse unicam Archa in qua
Noe seruatus est.*

Nec minus eleganter Diuus Gregorius in moralibus similem Ecclesiam Archæ in qua Noe seruatus est, inquit, xxiiij. q. i. c. quia ex sola. Quemadmodum enim in Archa Noæ humanum genus & omnia animalia seruata

ROMANAE ECCLESIAE.

seruata sunt, alia autem omnia, quae huic Archæ non fuerunt inclusa aquis absorpta & fœuissimo consumpta diluuió, Sic omnes Christi fideles, qui credunt in unam sanctam Catholicam Ecclesiam, eiusdemq; præceptis obediunt, certissimam & aeternam salutem consequuntur. Reliqui uero aquis tempestatibus & undis pereunt, id est peccatis & Hæresibus submerguntur. Porro quemadmodum Archa Noë sola ex illo uniuersali diluuió seruata est, sic Ecclesia Catholica ab omnibus Hæreticorum procellis in hunc usq; diem seruata est, & seruabitur. Ab Ecclesia enim misericordia mea non recedet, & fœdus pacis meae non mouebitur, etiamsi montes moueantur, & colles contremiscant, dixit miserator tuus Dominus Esai, 5. cap. 4.

Sic Math. 14. Petrus ad Christum inquit, si tu es, iube me uenire ad te super aquas & descendens de nauicula ambulabat super mare, ut ueniret ad Iesum, uento ualido uiso tímens mergi ceptus manu CHRISTI suscipitur. Quamuis enim nauicula Petri ualidis tempestatibus sæpius in hunc usq; diem concussa fuerit, nunc à Tyrannis, nunc ab Hæreticis tanquam atrocissimis tempestatibus & procellis agitata, tamen manu CHRISTI semper suscepta est.

Totus nimirum Christianitatis status nauis magnæ comparatur. De qua re uerba Dñi Petri iuxta epistolam Clementis ad Iacobum fratrem Domini, illius cuius Paulus ad Philippenses meminit, in medium adferre placuit. Que absolutissimam & pulcherrimam similitudinem status totius Christianitatis ad nauem magnam continet, qua nihil certe

DE PRINCIPALITATE

certè doctius haberi potest, in qua omnes partes & singula officia omnium Christi fidelium ad amissim præscripta sunt. Videbit in hac similitudine Episcopus, Sacerdos, Diaconus, Subdiaconus, & quisq; Christianorum quid sibi in Christianismo præscriptum sit, ut æternæ & cœlestis salutis promissionem consequi possit.

NAVICULA PETRI.

Clemens in priore Epistola, ad Iacobum fratrem Domini, Diuum Petrum in diebus quibus uitæ finem sibi imminere præsensit, in conuentu fratrum apprehensa manu Clementis repente consurgentem, inter alia etiam hæc protulisse uerba testatur.

VERBA DOMINI PETRI.

Num illud est, quod præ cæteris ab omnibus uobis cupio seruari, ut concordiam teneatis, per quam solani potestis portum quietis intrare, & Ciuitatem Regis summi quæ pax nominatur, habitare.

STATUS ECCLESIAE comparatur Navi.

Similis est namq; omnis Ecclesie status navi quæ per undosum Pelagus de diuersis locis & regionibus uiros portat